

ՀՀ ԳԱԱ Հնագիտության և ազգագրության ինստիտուտի

«Կողբի ամառային դպրոց» նախագծի

ԲՈՎԱՆԴԱԿԱՅԻՆ ՀԱՇՎԵՏՎՈՒԹՅՈՒՆ

2.1. «Կողբի ամառային դպրոց» ծրագիրն անցկացվել է Կողբ գյուղում՝ Կողբի գեղարվեստի դպրոցում՝ ճամբարային պայմաններում 2023 թ. օգոստոսի 17-ից մինչև օգոստոսի 26-ը:

2.2. Կազմակերպիչների խմբի կազմը՝

Կազմակերպիչ՝ Լիլիթ Միմոնյան

2.3. մասնակիցների (լսարանի) թիվը

Ծրագրին մասնակցել են 14-ից 18 տարեկան 29 պատանիներ Նոյեմբերյան քաղաքից, Այրում ավանից, Կողբ, Դովեդ, Բերդավան, Դեղձավան, Բագրատաշեն և Արճիս գյուղերից: Նրանցից 8-ը լսել են ամբողջ դասընթացը (60 ժամ) և ստացել են ՀԱԻ վկայականներ:

2.4. դասախոսների թիվը և աշխարհագրությունը

ՀԱԻ 6 աշխատակիցներ (Երևան ք, Աբովյան ք.)

2.5. կազմակերպման և իրականացման ընթացքի նկարագրություն (մինչև 2 էջ)

2.5.1 Նախքան ծրագրի սկիզբը կազմակերպիչը՝ դասախոսների հետ խորհրդակցելով, կազմել է ծրագիր, որի համաձայն պետք է մասնակիցներին տրվեին հնարավորինս համապարփակ պատկերացում հայագիտության տարբեր ճյուղերի մասին: Ծրագիրը քննարկվել է Նոյեմբերյանի համայնքապետարանի աշխատակիցների հետ, դրա մեջ կատարվել են ժամանակացույցի որոշակի փոփոխություններ և շտկումներ՝ տրանսպորտային տեղափոխության և այլ հարցերի կարգավորման նպատակով:

2.5.2 Նոյեմբերյանի համայնքապետարանի կանխավ տրված հայտարարությամբ՝ ծրագրին մասնակցելու համար արձագանքեցին 50-ից ավելի պատանիներ, որոնցից ընտրվեցին հայագիտության հարցերով առավել հետաքրքրվածները: Առաջին 5 օրը մասնակիցներն անցկացրեցին ճամբարային պայմաններում, մի կողմից՝ դասախոսություններ լսելով, մյուս կողմից՝ դեպի մոտակա հուշարձանները արշավներ կատարելով: Այս ճանապարհով նրանք գործնականում ուսումնասիրեցին այն առարկաները, որոնց տեսական մասը դասավանդեցին ՀԱԻ մասնագետները: Վերջին 5 օրերից 2-ը նվիրվեցին դեպի Սրվելի, Մակարավանքի, Ախտալայի և Սանահնի վանքերը ճանապարհորդություններին, իսկ 3-ի ընթացքում մասնակիցները լսեցին հայ ժողովրդի ոչ նյութական մշակութային ժառանգությանը վերաբերող դասախոսություններ: Դասախոսություններից բացի

մասնակիցները սովորեցին ժողովրդական պարեր (այդ նպատակով համայնքը տրամադրեց Կողբի մշակույթի տան տարածքը), լսեցին հայկական ժողովրդական հեքիաթներ:

Մասնակիցներին տրված էր ազատություն՝ ընտրելու այն դասաժամերը, որոնց իրենք կարող էին մասնակցել: Այդ պատճառով ոչ բոլոր մասնակիցներն էին ներկա գտնվում բոլոր ժամերին:

2.5.3 Ծրագրի մասնակիցներին մատուցվեց ընդհանուր առմամբ 60 ժ. դասախոսություն և գործնական պարապմունք, որի մասը կազմեցին նաև արտագնա (հուշարձանների տարածքում) անցկացվող դասերը: Կողբի ամառային դպրոցի ծրագրի մեջ ներառված էին դասախոսություններ և գործնական պարապմունքներ հետևյալ առարկաների շրջանակներում.

Հնագիտություն

Վիմագրություն

Ձեռագրագիտություն

Ազգագրություն (այդ թվում՝ ժողովրդական պար, խոհանոց)

Բանագիտություն

Արվեստագիտություն (միջնադարյան և ժողովրդական արվեստ):

2.5.4 Արտագնա դասընթացների ընթացքում անցկացվեց մասնակիցների գիտելիքների յուրացման ոչ պաշտոնական ստուգում, որի ընթացքում նրանք կարողանում էին մոտավոր կերպով թվագրել հուշարձանները, կարդալ վիմագրերը, նկարագրել կառույցները՝ համապատասխան տերմինների օգնությամբ, բացատրել բարձրաքանդակների և որմնանկարների բովանդակությունը, վերհիշում էին համապատասխան ավանդագրույցները, աստվածաշնչյան դրվագները, սրբերի վարքաբանությունը, ներկայացնել ազգային և ժողովրդական տոների մեջ մտնող ծեսերը և այլն:

2.5.5 Ծրագրի ավարտին կազմվեց մասնակիցների համար հասանելի՝ հայագիտության տարբեր բնագավառներին վերաբերող էլեկտրոնային շտոմարան, որի մեջ մտան 100-ից ավելի թվայնացված աշխատություններ, ազգագրական և բանահյուսական նյութեր, հայկական հուշարձանների և ձեռագրերի պատկերավոր ալբոմներ:

2.5.6 Առավել ակտիվ մասնակիցներին հանձնվեցին ՀԱԻ վկայականներ առ այն, որ իրենք հաճախել են Կողբի ամառային դպրոց և լսել են 60 ժամերից կազմված դասընթացը: Նրանք կդառնան Կողբի ապագա Հայագիտական կենտրոնի հիմնադիրներ:

Մասնակից պատանիները կիսվեցին իրենց գաղափարներով առ այն, թե ի՞նչ գործունեություն կարող է ծավալել այդ կենտրոնը, նշելով ինչպես այն առարկաները, որոնք կուզեին սովորել, այնպես էլ այն գործերը, որ պատրաստակամ են կատարել,

մասնավորապես՝ հայ ժողովրդի ոչ նյութական մշակութային ժառանգության հավաքագրումը (բանահավաքչությունը) և ռադիոհաղորդումների և փողքասթների ստեղծումը հայագիտությունը լայն տարածելու նպատակով:

Կազմակերպիչ (Կատարող)՝



Լ. Սիմոնյան

01.12.2023